



## **RALHRANG SAC RALKAP PAWL IN MIPI PARIH NUNRAWNG ZETIN AN TUAHMI TLUNIH THUSUAH**

November 18, 2021

Chin Ramkulh le Kalaymyo ramri ih a ummi PDF (Kalay) Battalion (3) um sungnak camp cu November 16, 2021 ni ah ralhrang SAC ralkap pawl in luhhnawh in an lakih, Siivai lam a tuntu numi (10) pawl kaih an tongih tlunah mipi ralkap pahnih cu nunrawng zetin an thah thu CNO/CNDF in kan thei ih kan riah a sia ngaingai.

Cuvek thotho in Chin ramkulh Tedim peng sungih um, Aklui khua ah thla sarih naupai kum (30) numi pakhat cu SAC ralhrang mi pahnih in November ni (11) zaan 11:30 le zing 2:30 hrawngah milai thinlung keng loin voi tampi an pawngsual ih tlunah, cuih zaan thotho ah nau neihnak thlakhat le hrek lawng a si hrih laimi kum (27) numi pakhat cu cuih khua thotho ah SAC ralhrang ralkap pathum in ren lo zetin voi tampi an pawngsual ti thu pawl kan thei ih kan thin a naa in SAC ralhrang pawl cu kan ten zet a si.

Cuih thu le hla pawl thawn pehpar aw in, SAC ralhrang pawl cu mipa, numi, upa, mino le naupai lai mi pawl hmuahhmuah hrial loin mipi pawl tlunah milai khat le khat ih neih dingmi lungput nei loin nunrawng zetih mi an hrem le an thatmi parah CNO/CNDF cun nasa zetin kan dem a si.

Hivek ih leitlun ral lam daan le duun a pahbaltu SAC ralhrang pawl ih nuncan cu khawi hmun, khawi caan khalah caan rem cang tinte'n CNO/CNDF cun pehzom in kan thungrul ringring ding a si.

Department of Information and Public Relations

Chin National Organization